




Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-04-38989-72/21  
Sarajevo, 24.11.2021. godine

**KANTON SARAJEVO**  
**SKUPŠTINA KANTONA SARAJEVO**  
**- OVDJE -**



**PREDMET:** Odgovor na zastupničko pitanje zastupnice Amre Hasagić, dostavlja se

Zastupnica Amra Hasagić je na nastavku 43. Radne sjednici Skupštine Kantona Sarajevo, održanoj dana 03.11.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnikom Skupštine Kantona Sarajevo postavila zastupničko pitanje vezano za realizaciju kapitalnih projekata.

„Upućujem pitanje Vladi Kantona Sarajevo koliko je trenutno kapitalnih projekata u fazi realizacije i kada su započeti“

Na postavljeno pitanje dajemo slijedeći

### **ODGOVOR**

Velika većina aktivnosti Ministarstva za boračka pitanja Kantona Sarajevo se odnosi na realizaciju zakonskih prava propisanih Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“ broj 18/21-Novi Prečišćeni tekst).

U kontekstu realizacije prava kao kapitalni projekat se može izdvojiti kupovina stanova za dodjelu u vlasništvo ili dodjelu na korištenje pripadnicima branilačkih kategorija koji na isti imaju pravo shodno pomenutom Zakonu.

Za ove namjene su u Budžetu Kantona Sarajevo za 2021. godinu osigurana značajna sredstva u iznosu od 7.632.793, od čega velika većina iz kreditnog zaduženja Kantona Sarajevo (7.000.000KM), 532.793KM su neutrošena sredstva primitaka iz ranijeg perioda a 100.000 KM su budžetska sredstva.

Ministarstvo je blagovremeno sačinilo dokumentaciju potrebnu za osiguranje kreditnih sredstava (putem Ministarstva finansija), a paralelno su vođene aktivnosti na osiguranju stambenih jedinica putem javnih poziva . Okončane su aktivnosti po javnom pozivu objavljenom u 2020. godinu i po istom su kupljena 43 stana (40 za dodjelu u vlasništvo i 3 za dodjelu na trajno korištenje), te po javnom pozivu objavljenom u aprilu tekuće godine po kojem je kupljeno 25 stanova za dodjelu u vlasništvo. Ukupno je za ove stanove utrošeno 6.032.370,50 KM a svi stanovi su kupljeni od Fonda Kantona Sarajevo za izgradnju stanova za članove porodice šehida i poginulih boraca, ratne vojne invalide, demobilisane borece i prognane osobe.

Obzirom na raspoloživa sredstva proveden je još jedan javni poziv (objavljen u septembru) i po istom je od Fonda Kantona Sarajevo za izgradnju stanova za članove porodice šehida i poginulih boraca, ratne vojne invalide, demobilisane borece i prognane osobe predviđena kupovina još 15





Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Veteran's affairs**

stanova za dodjelu u vlasništvo, sa obavezom Ministarstva za boračka pitanja Kantona Sarajevo od 1.185.258,00 KM. Za sklapanje ugovora čega se saglasnost Skupštine Kantona Sarajevo (dostavljen materijal)

Obzirom da nije ponudeno više adekvatnih stambenih manji dio sredstva (cca 415.000KM) će preostati, a obzirom na izvor predviđa se njihov prenos za istu svrhu u naredoj godini

U kapitalne projekte Ministarstva za boračka pitanja spadaju i aktivnosti koje se odnose na realizaciju kapitalnih podprojekata projekta „Opsada i odbrana Sarajeva 1992-1995“ te podršku izgradnji i sanaciji prigodnih spomen obilježja.

Obzirom na budžetska ograničenja planirana su ograničena sredstva za manje aktivnosti (po Rebalansu 229.455KM) pri čemu su posebno (preraspodjelom i rebalansom) doznačena sredstva od 40.755 KM Zavodu za izgradnju Kantona Sarajevo za izradu novog idejnog rješenja za Centralno spomen obilježja svim poginulim braniteljima opkoljenog Sarajeva na Trgu Alije Izetbegovića (aktivnosti započete u 2019. godini) i 20.000 KM za Fond Memorijala-podrška za spomen obilježjima/šehidskim mezarjima u entitetu RS).

Predviđeno je da će se do kraja godine podržati ukupno 10tak spomen obilježja, uključujući podršku za aktivnosti na Spomen parku „Žuč“ koje provodi općina Novi Grad, a do sada je podrška pružena za dva spomen obilježja.

S poštovanjem,

Obradio: Imamović Velid

  
**MINISTAR**  
**Dr.sc.Omer Osmanović**

**Dostaviti:**

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,

-A/a.